



Del 2

Den første runden med strid om trykkefridommen

Da trykkefridomsparagrafen var vedtatt i 1814, stod domstolane overfor ei umiddelbar utfordring: Dommarane kunne ikkje avvente situasjonen til nokon andre hadde bestemt korleis paragrafen skulle vere å forstå, men måtte straks ei trykkefridomssak vart reist, begi seg ut i ukjent terreng som vegvisarar og demonstrere i praksis kva følgjene av den måtte vere. Dei trong ikkje vente lenge; etter kort tid kom den første stridssaka om den nye trykkefridommen, reist av den aktøren trykkefridomsforkjempar Matthias Conrad Peterson hadde venta seg det frå: den utøvande konstitusjonelle statsmakta.